



TOSHKENT DAVLAT YURIDIK UNIVERSITETI REKTORINING B U Y R U G ' I

12.11.2024

779-tm-son

Talabaga hayfsan e'lon qilish to'g'risida

Bugungi kunda universitetda yuksak talablar va zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator chora-tadbirlar amalga oshirilmoqda.

Shunga qaramasdan, universitetning ayrim talabalari tomonidan o'quv intizomi, Odob-axloq kodeksi va ichki tartib qoidalarini buzish holatlari kuzatilmoqda. Jumladan, Xususiy huquq fakulteti 2-kurs talabasi Djabarov Damir Baxtiyorovich Odob-axloq kodeksi va ichki tartib qoidalar bilan tanishtirilgan bo'lsada, 2024-yilning 31-oktabr sanasida Ekologiya huquqi ma'ruza darsida darsdan chalg'ib, boshini egib o'tirganligi bois o'qituvchi tomonidan darsga diqqatli bo'lish, uxlamasdan ma'ruzani tinglash bo'yicha ogohlantirish berilgan. Bunga javoban talaba o'zining g'ayrioddiy xulq-atvorini namoyon qilib, uxlamayotganligini, darsni tinglaganini qo'pol va o'qituvchiga hurmatsiz ohangda bildirgan. Shundan so'ng, o'qituvchi R.Kenjayeov talaba D.Djabarovni darsga halal bermasligini va chiqib ketishini so'ragan. Talaba D.Djabarov esa oldidagi stulni tepib, barchani diqqatini tortib, darsga halal bergan holda chiqib ketgan.

Ushbu harakatlari bilan talaba Odob-axloq kodeksining 17-moddasi oltinchi xatboshisi (xodim, talaba va doktorantlarga jismoniy, ma'naviy yoki moddiy zarar yetkazish), o'n birinchi xatboshisi (o'quv mashg'ulotlari va ishga hamda xodim va talabalarining osoyishtaligiga xalaqit beradigan xatti-harakatlar sodir etish), 18-moddaning birinchi, ikkinchi xatboshilari (Xodim, talaba va doktorantlarning o'zaro munosabatlari milliy qadriyat va an'analar, yagona jamoaviy muhit, o'zaro hurmat va e'tibor, do'stlik, hamjihatlik, halollik va adolat tamoyillariga asoslanishi lozim).

Xodim, talaba va doktorantlarning o'zaro munosabatlarida inson qadriyatiga hurmatsizlik, shaxsiyatni kamsitish, o'zganing intellektual mulki yoki boshqa ijod mahsulini ruxsatsiz o'zlashtirib olish, qo'pollik, behayo so'zlar ishlatish, mushtlashish qat'iyan man etiladi), shuningdek, 26-moddaning to'rtinchi xatboshisi (odob-axloqqa oid milliy an'analarimiz, urf-odat va qadriyatlarimizni hurmat qilishga), 27-moddaning beshinchi xatboshisi (Universitet xodimlari va o'qituvchilariga qo'pollik qilmaslikka, ular bilan tortishmaslikka, agarda ular

nohaq bo'lsa tegishli shaxslarga xabar berishga, o'qituvchilarning shaxsiy hayotiga oid noo'rin savollar bilan murojaat qilmaslikka) talablarini buzgan.

Yuqoridagilarni inobatga olgan holda Oliy ta'lim to'g'risida Nizom (ro'yhat raqami 1222, 2003-yil 22-fevral), Toshkent davlat yuridik universiteti Odob-axloq kodeksi, Ekologiya huquqi kafedrası o'qituvchisi R.Kenjayeuning bildirgisi va D.Djabarovning tushuntirish xatlariga muvofiq

BUYURAMAN

1.Xususiy huquq fakulteti 2-kurs talabasi Djabarov Damir Baxtiyorovichga hayfsan e'lon qilinsin.

2.Xususiy huquq fakulteti (B.Musayev):

ushbu buyruq bilan Xususiy huquq fakulteti talabalarini tanishtirsin;

hayfsan e'lon qilingan talabaning shaxsiy yig'ma jildiga buyruq nusxasi tikilishini ta'minlasin.

3.Mazkur buyruq bajarilishini nazorat qilish Yoshlar masalalari va ma'naviy-ma'rifiy ishlar bo'yicha birinchi prorektor A.Xashimhonovga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo'lgan)

B.MUSAYEV

**Kelishildi:**

Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV

